



Maršala Tita 25, 71000 Sarajevo

Broj: 150-15-4-3086-4/18 DM
Sarajevo, 31.12.2018. godine

HALCOM d.d.
Tržaška 118
1000 Ljubljana
REPUBLIKA SLOVENIJA

PREDMET: Poziv za dostavljanje ponude u pregovaračkom postupku za nabavku usluga – Održavanje sistema za žirokliring, putem pregovaračkog postupka bez objave obavijesti o nabavi (Faza I, II. i III.)

Poštovani,

Sukladno Odluci Centralne banke Bosne i Hercegovine o pokretanju postupka javne nabave usluga – Održavanje sistema za žirokliring, putem pregovaračkog postupka bez objave obavijesti o nabavi, broj: UV-150-01-1-116/18 SAK od 27.12.2018. godine, pozivamo Vas da dostavite svoju ponudu.

1. Opis predmeta nabave

Predmet ovog postupka je nabava usluga – **Održavanje sistema za žirokliring**, a sve shodno tehničkoj specifikaciji koja je data u **Prilogu VI**.

Ukupna procijenjena vrijednost: 316.000,00 KM.

Oznaka i naziv iz jedinstvenog rječnika javnih nabava: 72250000-2 – sistemske usluge i usluge podrške.

I Faza

2. Sadržaj i način pripreme ponude

Ponuda zajedno s pripadajućom dokumentacijom priprema se na jednom od službenih jezika u Bosni i Hercegovini. Pri pripremi ponude ponuditelj se mora pridržavati zahtjeva i uvjeta iz tenderske dokumentacije. Ponuditelj ne može mijenjati ili nadopunjavati tekst tenderske dokumentacije. Dokumentacija koju ponuditelj prilaže uz svoju ponudu mora biti prevedena također na jedan od službenih jezika u BiH, od strane ovlaštenog sudskog tumača ili drugog ovlaštenog tijela, a sukladno propisima zemlje iz koje dolazi ponuditelj.

Ponuda obvezno sadrži sljedeće:

- Izjava o ispunjenju uvjeta iz članka 45. ZJN – **Prilog I (uz koju se dostavljaju kopije dokumenata iz točke 6. podtočke A. točke: a), b), c) i d);**
- Rješenje o upisu u sudski ili drugi registar iz članaka 46. ZJN (**sukladno točki 6. podtočka B.);**
- Pismena izjava iz članka 52.– **Prilog II;**
- Popunjen obrazac za dostavljanje ponude – **Prilog III;**
- Popunjen obrazac za početnu cijenu ponude – **Prilog IV.**

3. Način dostavljanja ponude i važenje ponude

Krajnji rok za dostavljanje ponude je 22.01.2019. godine, do 11.00 sati. Ponuda se dostavlja na adresu: Centralna banka Bosne i Hercegovine, Maršala Tita 25, 71000 Sarajevo. Ponuda treba da važi minimalno 120 dana, računajući od krajnjeg roka za dostavu ponuda.

Dokumentacija koja se dostavlja, se **čvrsto uvezuje u jednu cjelinu** na način da se onemogući naknadno vađenje ili umetanje listova. Pod čvrstim uvezom podrazumijeva se uvezivanje **jemstvenikom** (notarskim konopcem) ili **knjiški čvrsti uvez s koricama**. **Neće biti prihvaćene ponude koje budu uvezane spiralnim uvezom ili u običnu plastičnu fasciklu!**

Nakon prijama dokumentacije, povjerenstvo nadležno za vođenje postupka izvršit će kontrolu i ocjenu iste u smislu provjere kvalifikacija ponuditelja.

4. Valuta ponude

Cijena ponude se izražava u EUR.

5. Dopuštenost dostave alternativnih ponuda i navodi o preferencijalnom tretmanu domaćeg

Nije dozvoljeno dostavljanje alternativnih ponuda.

Preferencijalni tretman domaćeg

U ugovorni organ će primijentiti preferencijalni tretman domaćeg, u skladu sa Odlukom Vijeća Ministara Bosne i Hercegovine o obaveznoj primjeni korištenju preferencijalnog tretmana domaćeg („Službeni glasnik BiH“, broj: 83/16).

Ugovorni organ je obavezan:

- a) primijeniti cjenovni preferencijalni tretman isključivo u svrhu poređenja ponuda;
- b) prilikom obračuna cijena ponuda, u svrhu poređenja ponuda, umanjiti cijene domaćih ponuda za preferencijalni faktor od:
 - 15 % za ugovore koji se dodjeljuju u 2015. i 2016. godini,
 - 10 % za ugovore koji se dodjeljuju od 2017. do 2018. Godine
 - 5 % za ugovore koji se dodjeljuju u 2019. godini.

Domaće ponude su ponude koje podnose pravna ili fizička lica sa sjedištem u Bosni i Hercegovini i koja su registrovana u skladu sa zakonima u Bosni i Hercegovini i kod kojih, u slučaju ugovora o nabavkama usluga, najmanje **50 % ukupne radne snage za izvršenje usluga su rezidentni iz Bosne i Hercegovine.**

Domaćom ponudom se smatra i ponuda koju podnosi grupa ponuđača koju čine pravna ili fizička lica sa sjedištem u državama potpisnicama CEFTE i koja su registrovana u skladu sa zakonima u državama potpisnicama CEFTE i najmanje jedno pravno ili fizičko lice sa sjedištem u Bosni i Hercegovini koje je registrovano u skladu sa zakonima u Bosni i Hercegovini, i kod kojih, u slučaju ugovora o nabavkama usluga, najmanje 50% ukupne radne snage za izvršenje usluga su rezidentni iz Bosne i Hercegovine.

Preferencijalni tretman za ponuđače iz država potpisnica Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006) primjenjivaće se u skladu sa odredbama tog sporazuma.

Primjena preferencijalnog faktora je isključena u odnosu na ponude koje podnose pravna ili fizička lica sa sjedištem u državama potpisnicama CEFTE i koja su registrovana u skladu sa zakonima u državama

potpisnicama CEFTE i kod kojih , u slučaju ugovora o nabavkama usluga, najmanje 50% ukupne radne snage za izvršenje usluga su rezidentni iz država potpisnica CEFTE.

Kao dokaz o sticanju preferencijalnog tretmana domaćeg potrebno je dostaviti posebnu izjavu (Prilog III), gdje treba navesti da li je najmanje 50 % radne snage za izvršenje ugovora rezidenti iz Bosne i Hercegovine.

6. Da biste se kvalificirali za dodjelu ugovora neophodno je da ispunite:

A. Uvjete iz članka 45. Zakona o javnim nabavama, te je ponuditelj dužan u svrhu dokazivanja osobne sposobnosti dokazati da:

- a) u kaznenom postupku nije osuđen pravomoćnom presudom za kaznena djela organiziranog kriminala, korupciju, prevaru ili pranje novca, sukladno sa važećim propisima u Bosni i Hercegovini ili zemlji u kojoj je registriran;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u sukladno važećim propisima u Bosni i Hercegovini ili zemlji u kojoj je registriran;
- c) je ispunio obveze u svezi sa plaćanjem mirovinskog i invalidskog osiguranja i zdravstvenog osiguranja, sukladno važećim propisima u Bosni i Hercegovini ili propisima zemlje u kojoj je registriran;
- d) je ispunio obveze u svezi sa plaćanjem izravnih i neizravnih poreza, sukladno važećim propisima u Bosni i Hercegovini ili zemlji u kojoj je registriran.

U svrhu dokazivanja uvjeta iz točke a) do d) ponuditelj je dužan dostaviti **popunjenu i ovjerenu kod nadležnog tijela izjavu** koja je sastavni dio ove tenderske dokumentacije (**Prilog I**), **uz koju će dostaviti kopije dokumenata po točkama a), b) i c) i d).**

B. Ponuditelj je dužan sukladno članku 46. Zakona o javnim nabavama u svrhu dokazivanja sposobnosti za obavljanje profesionalne djelatnosti dokazati svoju registraciju i dostaviti:

Rješenje o upisu u sudski ili drugi registar, izvod iz sudskog ili drugog registra ili drugi odgovarajući ekvivalentni dokument koji odgovara zahtjevu iz članka 46. Zakona, a koji je izdat od nadležnog tijela, sve prema važećim propisima zemlje sjedišta ponuditelja/zemlje u kojoj je registriran ponuditelj, a iz kojeg se može nedvojbeno utvrditi da je ponuditelj registriran za obavljanje predmetne djelatnosti.

7. Diskvalifikacija po osnovu sukoba interesa ili korupcije

Sukladno članku 52. Zakona o javnim nabavama, ugovorno tijelo dužno je odbiti ponudu ako je kandidat/ponuditelj sadašnjem ili bivšem uposleniku ugovornog tijela dao ili je spreman dati mito u obliku novčanih sredstava ili u bilo kojem nenovčanom obliku, s ciljem ostvarivanja utjecaja na radnju, odluku ili tijek postupka javne nabave.

U svezi navedenog svaki kandidat/ponuditelj je dužan uz zahtjev za sudjelovanje dostaviti i posebnu pismenu izjavu da nije nudio mito niti sudjelovao u bilo kakvim radnjama koje za cilj imaju korupciju u predmetnoj javnoj nabavi.

Kandidat/ponuditelj je dužan navedenu izjavu pripremiti i dostaviti prema obrascu iz (**Priloga II**) ove tenderske dokumentacije, ovjerenu i potpisanu od strane kandidata/ponuditelja i ovjerenu od strane nadležnog tijela.

U slučaju da ponudu dostavlja grupa kandidata/ponuditelja navedenu izjavu daje nositelj grupe kandidata/ponuditelja – ovlaštenu predstavnik grupe kandidata/ponuditelja za sve članove grupe kandidata/ponuditelja.

8. Trošak ponude i preuzimanje tenderske dokumentacije

Trošak pripreme ponude za sudjelovanje i podnošenja ponude u cjelini snosi kandidat/ponuditelj.

Ova Tenderska dokumentacija će biti prosljeđena ponuditelju.

Napomena: Svi zainteresirani ponuditelji koji preuzmu ovu tendersku dokumentaciju s web stranice ugovornog tijela, dužni su putem e-maila: dalibor.matic@cbbh.ba i e-maila: sanela.mahmutovic@cbbh.ba, dostaviti informaciju o ponuditelju (naziv, sjedište, kontakt adresa, telefon i e-mail) radi komuniciranja u toku postupka nabave i eventualnog dostavljanja obavijesti, odgovora na upite, informacija o eventualno zaprimljenim žalbama i sl.

9. Ispravka i/ili izmjena tenderske dokumentacije, traženje pojašnjenja

Kandidati/Ponuditelji mogu u pisanoj formi tražiti od ugovornog tijela pojašnjenja tenderske dokumentacije.

Ugovorni tijelo će pripremiti odgovor u pisanoj formi i isti dostaviti svim kandidatima/ponuditeljima koji su preuzeli tendersku dokumentaciju ili za koje ima saznanja da su je preuzeli na jedan od načina definiranim ovom tenderskom dokumentacijom u roku od tri dana, a najkasnije pet dana prije isteka roka za podnošenje ponuda, s tim da u odgovoru o pojašnjenju neće navoditi ime gospodarskog subjekta koji je tražio pojašnjenje.

Ugovorni tijelo može u svako doba, a najkasnije 5 dana prije isteka roka za podnošenje ponuda/zahtjeva za sudjelovanje iz opravdanih razloga, bilo na vlastitu inicijativu, bilo kao odgovor na zahtjev gospodarskog subjekta za pojašnjenje, bilo prema nalogu Ureda za razmatranje žalbi, izmjeniti tendersku dokumentaciju. O svim izmjenama tenderske dokumentacije dužan je obavjestiti sve potencijalne kandidate/ponuditelje za koje zna da su preuzeli tendersku dokumentaciju, na jedan od načina navedenih u ovoj tenderskoj dokumentaciji.

U slučaju da je izmjena tenderske dokumentacije takve prirode da će priprema ponude/zahtjeva za sudjelovanje zahtjevati dodatno vrijeme, dužan je produžiti rok za prijam ponuda/zahtjeva za sudjelovanje, primjeren nastalim izmjenama, ali ne kraći od 7 dana.

Faza II

10. Postupak pregovaranja

Nakon što povjerenstvo pregleda dostavljenu ponudu i dokumentaciju iz **Faze I**, te nakon što ustanovi kvalificiranost, upriličit će pregovore s Vašim predstavnikom, elektronskim putem (mailom). U tu svrhu, neophodno je da na obrascu za dostavljanje ponude (**Prilog III**), navedete kontakt podatke, ime i prezime i e-mail adresu osobe ispred ponuditelja koja je ovlaštena pregovarati s povjerenstvom.

Pregovori će biti upriličeni istog dana 22.01.2019. godine, s početkom u 13.00 sati, kada će vas na naprijed navedeni način i kontakt e-mail koji dostavite, kontaktirati ovlaštenu predstavnik povjerenstva koje vodi pregovore.

Faza III

11. Dostavljanje konačne ponude

Nakon završetka pregovora, povjerenstvo će putem e-maila poslati zahtjev ovlaštenoj osobi ispred ponuditelja koja je ovlaštena pregovarati s povjerenstvom, za dostavljanje konačne ponude.

Nakon prijama ovog zahtjeva, ponuditelj je dužan dostaviti isti dan, a najkasnije naredni dan, konačnu ponudu - **Obrazac za konačnu cijenu ponude (Prilog V)**, popunjen sukladno zahtjevima iz istog, te sukladno postignutim pregovorima (skeniranu putem e-maila nakon završetka pregovora), a originalnu konačnu ponudu ponuditelj je dužan dostaviti naknadno poštom na adresu koja je navedena u točki 3. ove tenderske dokumentacije.

12. Kriterij za dodjelu ugovora

Kriterij za dodjelu ugovora je najniža cijena.

13. Dodjela ugovora

Kriterij za dodjelu ugovora je najniža cijena. Po završetku **I. i II. Faze**, ukoliko Centralna banka donese odluku o dodjeli ugovora odnosno ugovor dodijeli pozvanom ponuditelju u ovom postupku javne nabave, ponuditelj je dužan prije zaključivanja ugovora dostaviti **originalnu dokumentaciju ili ovjerene kopije od strane nadležnog tijela zemlje u kojoj je registriran ponuditelj, u svrhu dokazivanja činjenica iz izjave (Prilog I)** i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuditelju koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuditelj ima zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužan je dostaviti potvrdu nadležne institucije/a da ponuditelj u predviđenoj dinamici izmiruje svoje reprogramirane obaveze. Ukoliko je ponuditelj zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršava svoje obaveze i taj ponuditelj neće biti kvalifikovan u ovom postupku javne nabavke.

Ukoliko ponudu dostavlja grupa ponuditelja, svaki član grupe mora ispunjavati uvjete u pogledu osobne sposobnosti i dokazi se dostavljaju za svakog člana grupe posebno.

Dokazi koje je dužan dostaviti izabrani ponuditelj moraju sadržavati **potvrdu da je u momentu predaje ponude ispunjavao uvjete koji se traže tenderskom dokumentacijom**. U protivnom će se smatrati da je dao lažnu izjavu. **Originalne dokaze o ispunjavanju uslova je dužan dostaviti u roku od sedam dana, od dana zaprimanja obavijesti o rezultatima ovog postupka javne nabave**. Naime, izabrani ponuditelj mora ispunjavati sve uvjete u momentu predaje ponude, u protivnom će se smatrati da je dao lažnu izjavu iz članka 45. Zakona.

Prilozi:

- Izjava (**Prilog I**),
- Izjava (**Prilog II**),
- Popunjen obrazac za dostavljanje ponude (**Prilog III**),
- Popunjen obrazac za početnu cijenu ponude (**Prilog IV**),
- Popunjen obrazac za konačnu cijenu ponude (**Prilog V**),
- Tehnička specifikacija (**Prilog VI**),
- Izjava (**Prilog VII**).

Izjava o ispunjenosti uvjeta iz članka 45. stavak (1) točke od a) do d) Zakona o javnim nabavama („Službeni glasnik BiH broj: 39/14“)

Ja, niže potpisani _____ (ime i prezime), s osobnom iskaznicom broj: _____ izdatom od: _____, u svojstvu predstavnika gospodarskog društva ili obrta ili srodne djelatnosti, odnosno predstavnika ponuditelja: _____ (navesti položaj, naziv gospodarskog društva ili obrta ili srodne djelatnosti), ID broj: _____, čije sjedište se nalazi u _____ (grad/općina), na adresi _____ (ulica i broj), kao kandidat/ponuditelj u postupku javne nabave _____ (navesti točan naziv i vrstu postupka javne nabave) a kojeg provodi ugovorno tijelo: _____ (navesti točan naziv ugovornog tijela), za koje je objavljena obavijest o javnoj nabavi (ako je objavljena obavijest) broj: _____ u Službenom glasniku BiH broj: _____, a sukladno članku 45. st. (1) i (4) **pod punom materijalnom i kaznenom odgovornosti**

IZJAVLJUJEM

Kandidat/ponuditelj _____ u navedenom postupku javne nabave, kojeg predstavljam, nije:

- a) Pravomoćnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca sukladno važećim propisima u BiH ili zemlji u kojoj je registriran;
- b) Pod stečajem ili je predmetom stečajnog postupka ili je pak predmetom postupka likvidacije;
- c) Propustio ispuniti obaveze u svezi sa plaćanjem mirovinskog i invalidskog osiguranja i zdravstvenog osiguranja sukladno važećim propisima u BiH ili zemlji u kojoj je registriran;
- d) Propustio ispuniti obveze u svezi s plaćanjem izravnih ili neizravnih poreza sukladno važećim propisima u BIH ili zemlji u kojoj je registriran.

U navedenom smislu sam upoznat s obavezom kandidata/ponuditelja da u slučaju dodjele ugovora dostavi dokumente iz članka 45. stavak (2) točke od a) do d) na zahtjev ugovornog tijela i u roku kojeg odredi ugovorno tijelo shodno članku 72. stavak (3) točka a).

Nadalje izjavljujem da sam svjestan da krivotvorenje službene isprave, odnosno uporaba neistinite službene ili poslovne isprave, knjige ili spisa u službi ili poslovanju kao da su istiniti, predstavlja kazneno djelo predviđeno Kaznenim zakonima u BiH, te da davanje netočnih podataka u dokumentima kojima se dokazuje osobna sposobnost iz članka 45. Zakona o javnim nabavama predstavlja prekršaj za koji su predviđene novčane kazne od 1.000,00 KM do 10.000,00 KM za ponuditelja (pravnu osobu) i od 200,00 KM do 2.000,00 KM za odgovornu osobu ponuditelja.

Također izjavljujem da sam svjestan da ugovorno tijelo koje provodi navedeni postupak javne nabave shodno članku 45. stavak (6) Zakona o javnim nabavama u slučaju sumnje u točnost podataka datih putem ove izjave zadržava pravo provjere točnosti iznesenih informacija kod nadležnih tijela.

Izjavu dao:

Mjesto i datum davanja izjave:

Potpis i pečat nadležnog tijela (ovjera općine ili notara):

_____ M.P.

Pismena izjava iz članka 52. Zakona o javnim nabavama

Ja, niže potpisani _____ (ime i prezime), s osobnom iskaznicom broj: _____ izdatom od _____, u svojstvu predstavnika gospodarskog društva ili obrta ili srodne djelatnosti (ponuditelja) _____ (navesti položaj, naziv gospodarskog društva ili obrta ili srodne djelatnosti), ID broj _____, čije sjedište se nalazi u _____ (grad/općina), na adresi _____ (ulica i broj), kao kandidat/ponuditelj u postupku javne nabave _____ (navesti točan naziv i vrstu postupka javne nabave) a kojeg provodi ugovorno tijelo _____ (navesti točan naziv ugovornog tijela), za koje je objavljena obavijest o javnoj nabavi (ako je objavljena obavijest) broj: _____ u Službenom glasniku BiH broj: _____, a sukladno članaku 52. stavak (2) Zakona o javnim nabavama, **pod punom materijalnom i kaznenom odgovornosti**

IZJAVLJUJEM

1. Nisam ponudio mito ni jednom osobi uključenoj u proces javne nabave, u bilo kojoj fazi procesa javne nabave.
2. Nisam dao, niti obećao dar ili neku drugu povlasticu službenoj ili odgovornoj osobi u ugovornom tijelu, uključujući i stranu službenu osobu ili međunarodnog službenika, u cilju da obavi u okviru službene ovlasti, radnje koje ne bi trebalo da izvrši ili se suzdržava od vršenja djela koje treba izvršiti on ili netko tko posreduje pri takvom podmićivanju službene ili odgovorne osobe.
3. Nisam dao, niti obećao dar ili neku drugu povlasticu službenoj ili odgovornoj osobi u ugovornom tijelu, uključujući i stranu službenu osobu ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavama.
5. Nisam sudjelovao u bilo kakvoj radnji koja je za cilj imala korupciju u tijeku predmeta postupka javne nabave.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine

Izjavu dao:

Mjesto i datum davanja izjave:

Potpis i pečat nadležnog tijela (ovjera općine ili notara):

M.P.

OBRAZAC ZA DOSTAVLJANJE PONUDE – USLUGA

Broj nabavke:

UGOVORNI ORGAN: Centralna banka Bosne i Hercegovine

Adresa ugovornog organa: Maršala Tita 25, 71000 Sarajevo

PONUĐAČ:

Naziv: _____

ID broj: _____

Adresa: _____

KONTAKT OSOBA (za ovu ponudu i pregovaranje)

Ime i prezime	
Adresa	
Telefon	
Faks	
E-mail	

IZJAVA PONUĐAČA:

U postupku javne nabavke koju ste pokrenuli dostavljamo ponudu i izjavljujemo sljedeće:

1. U skladu sa sadržajem i zahtjevima tenderske dokumentacije broj: _____ (broj nabavke koju je dao ugovorni organ), ovom izjavom prihvatamo njene odredbe u cjelosti bez ikakvih rezervi ili ograničenja.
2. Ovom ponudom odgovaramo zahtjevima iz tenderske dokumentacije za pružanje usluga u skladu sa uslovima utvrđenim u tenderskoj dokumentaciji, kriterijima i utvrđenim rokovima, bez ikakvih rezervi ili ograničenja.
3. Ukupna cijena naše ponude za cjelokupnu uslugu je: _____ EUR
Popust koji dajemo na cijenu ponude je: _____ EUR
Cijena naše ponude sa uključenim popustom je: _____ EUR

U prilogu se nalazi i obrazac za cijenu ponude koji je popunjen u skladu sa zahtjevima iz tenderske dokumentacije. U slučaju razlike u cijenama iz ove izjave i obrasca za cijenu ponude relevantna je cijena iz obrasca za cijenu ponude. Cijena je fiksna i ista se neće mijenjati u toku trajanja ugovora.

4. Ova ponuda važi _____ dana, slovima: _____ dana, računajući od isteka roka za prijem ponuda, tj do _____/_____/2019. (datum).
Ukoliko se broj dana upisan brojem i slovima razlikuju, validan je onaj upisan slovima).

5. Ako naša ponuda bude najuspješnija u ovom postupku javne nabavke, obavezujemo se da ćemo dostaviti dokaze o kvalificiranosti, u pogledu lične sposobnosti, registracije, tehničke i profesionalne sposobnosti koji su traženi tenderskom dokumentacijom i u roku koji je utvrđen, a što potvrđujemo izjavama u ovoj ponudi

Ime i prezime osobe koja je ovlaštena da predstavlja ponuđača: _____

Potpis ovlaštene osobe: _____

Mjesto i datum: _____

Pečat preduzeća: _____

**OBRAZAC ZA POČETNU CIJENU PONUDE –
Usluge održavanja sistema za žirokliring**

Naziv ponuđača: _____

Ponuda br. _____

Opis	Ukupna cijena za dane januara (od 23.01.2019. do 31.01.2019.)	Mjesečna cijena za period 01.02.2019. do 31.08.2019. (ukupno za 5 mjeseci)	Ukupna cijena za period važenja ugovora (kolona 2+3)
1	2	3	4
Usluge održavanja sistema za žirokliring, a sve shodno tehničkoj specifikaciji koja je data u Prilogu VI za period od 23.01.2019. godine do 31.08.2019. godine			
UKUPNA CIJENA PONUDE U EUR:			
POPUST:			
UKUPNA CIJENA S POPUSTOM BEZ PDV-a:			

Napomena:

1. Dobavljač je dužan ispostaviti fakturu za prvu ratu (za dane januara) najdalje do 05.02.2019. godine, a za naredni period će ispostavljati mjesečne fakture do petog u mjesecu za prethodni mjesec pružanja usluga.
2. Cijene moraju biti izražene u EUR. Za svaku stavku u ponudi mora se navesti cijena.
3. Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu. U skladu s pozitivnim propisima PDV na uslugu se ne obračunava.
4. U slučaju razlike između jedinične cijene i ukupnog iznosa, ispravka će se vršiti u skladu sa jediničnim cijenama
5. Jedinična cijena stavke se ne smatra računskom greškom, odnosno ne može se ispravljati

Potpis i pečat ponuđača _____

**OBRAZAC ZA KONAČNU CIJENU PONUDE –
Usluge održavanje sistema za žirokliring**

Naziv ponuđača: _____

Ponuda br. _____

Opis	Ukupna cijena za dane januara (od 23.01.2019. do 31.01.2019.)	Mjesečna cijena za period 01.02.2019. do 31.08.2019. (ukupno za 5 mjeseci)	Ukupna cijena za period važenja ugovora (kolona 2+3)
1	2	3	4
Usluge održavanja sistema za žirokliring, a sve shodno tehničkoj specifikaciji koja je data u Prilogu VI za period od 23.01.2019. godine do 31.08.2019. godine			
UKUPNA CIJENA PONUDE U EUR:			
POPUST:			
UKUPNA CIJENA S POPUSTOM BEZ PDV-a:			

Napomena:

1. Dobavljač je dužan ispostaviti fakturu za prvu ratu (za dane januara) najdalje do 05.02.2019. godine, a za naredni period će ispostavljati mjesečne fakture do petog u mjesecu za prethodni mjesec pružanja usluga.
2. Cijene moraju biti izražene u EUR. Za svaku stavku u ponudi mora se navesti cijena.
3. Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu. U skladu s pozitivnim propisima PDV na uslugu se ne obračunava.
4. U slučaju razlike između jedinične cijene i ukupnog iznosa, ispravka će se vršiti u skladu sa jediničnim cijenama
5. Jedinična cijena stavke se ne smatra računskom greškom, odnosno ne može se ispravljati

Potpis i pečat ponuđača _____

**Tehnička specifikacija -
Usluge održavanje sistema za žirokliring**

1. LICENCNI PROIZVODI

1.1 LCSS Žiro kliring sistem (LCSS GC) verzija 2.00 ili naknadne verzije i pripadajuća dokumentacija. Funkcije podržane ovim Licencnim proizvodom će biti specificirane u odgovarajućem izdanju Funcionalnih specifikacija.

1.2 LCSS Žiro kliring sistem (LCSS GC) verzija 2.00 Liquidity Monitoring Feature ili naknadne verzije i pripadajuća dokumentacija. Funkcije podržane ovim Licencnim proizvodom će biti specificirane u odgovarajućem izdanju Funcionalnih specifikacija.

2. LICENCNI PROIZVODI TREĆE STRANE

Sljedeći softver treće strane:

2.1 Za GC Centar:

- IBM DB2 DBMS (Power 6)
- Reflection for Unix (PC)
- PC Anywhere (PC)
- IBM Tivoli Storage Manager 5.5.

2.2 Za DR GC Centar:

- IBM DB2 DBMS (Power 6)
- Reflection for Unix (PC)
- PC Anywhere (PC)
- IBM Tivoli Storage Manager 5.5.

2.3 Za svaki GC Branch:

- IBM DB2 DBMS (Power 6)
- Reflection for Unix (PC)
- PC Anywhere (PC).

2.4 Za svaku GC Banku-učesnika:

- Nexus Personal (za sigurnost baziranu na pametnim karticama)
- PC Anywhere (PC).

3. HARDVER

GC BRANCH – SARAJEVO, MOSTAR, BANJA LUKA

Serveri sljedeće konfiguracije:

Model	Opis	Kol
8203-E4A	IBM Power 520, Model: 8203 - E4A	
	AIX Partition Specify Op Panel Cable for Rack-mount Drawer w/3.5 DASD POWER GXT135P Graphics Accelerator with Digital Support IBM T117 Flat Panel Monitor 4 x 146 GB 15K RPM SAS Disk Drive 4096MB (2x2048MB) RDIMMs, 667 MHz, 1Gb DRAM Dual-port 1Gb Integrated Ethernet Daughter Card 1-core 4.2 GHz POWER6 Processor Card, 4 Memory DIMM Slots Zero-priced Processor Activation for #5633 IBM 2-Port 10/100/1000 Base-TX Ethernet PCI-X Adapter Half High 800GB/1.6TB LTO4 SAS Tape Drive SATA Slimline DVD-RAM Drive Full Width Quiet Touch Keyboard -- USB, US English, #103P IBM/OEM Rack-Mount Drawer Rail Kit IBM Rack-mount Drawer Bezel and Hardware 2 x Power Supply, 950 Watt AC, Hot-swap, Base and Redundant PowerVM Express DASD/Media Backplane for 3.5 DASD/SATA DVD/Tape Mouse-Business Black with Keyboard Attachment Cable Language Group Specify - US English	3

GC CENTAR – SARAJEVO

Oprema sljedeće konfiguracije:

Model	Opis	Kol
8203-E4A	IBM Power 520, Model: 8203 - E4A AIX Partition Specify Op Panel Cable for Rack-mount Drawer w/3.5 DASD Primary OS - AIX POWER GXT135P Graphics Accelerator with Digital Support 2 x 146 GB 15K RPM SAS Disk Drive 4096MB (2x2048MB) RDIMMs, 667 MHz, 1Gb DRAM Rack Indicator- Not Factory Integrated Dual-port 1Gb Integrated Ethernet Daughter Card 2-core 4.2 GHz POWER6 Processor Card, 4 Memory DIMM Slots One Processor Activation for Processor Feature #5634 Zero-priced Processor Activation for #5634 IBM 2-Port 10/100/1000 Base-TX Eth PCI-X Adapter SATA Slimline DVD-RAM Drive 2 x 4 Gigabit PCI Express Single Port Fibre Channel Adapter IBM/OEM Rack-Mount Drawer Rail Kit IBM Rack-mount Drawer Bezel and Hardware 2 x Power Supply, 950 Watt AC, Hot-swap, Base and Redundant 2 x PowerVM Express DASD/Media Backplane for 3.5 DASD/SATA DVD/Tape Language Group Specify - US English	2
1814-70A	DS4700 Storage Express Model 70 (2 GB Cache) 2 x (26K7941) SW 4Gbps SFP transcvr pair 7 x (40K6820) 4 Gbps FC, 146.8 GB/15K E-DDM 4 x (39M5697) Fiber Cable 5m Multimode (LC-LC) (41Y5184) DS4700 AIX/VIOS Host Kit DS4700 Mod 70 2-Storage Partitions Activation	1
7316-TF3	IBM 7316-TF3 Rack-Mounted Flat Panel Console Kit 2 x USB Conversion Option IBM 1x8 Console Switch Language Group Specify - US English	1
3573-L4U	TS3200 Tape Library Express Path Failover 2 x 13m LC/LC Fibre Channel Cable Rack Mount Kit Ultrium Cleaning Cartridge L1 UCC 2 x Ultrium 4 Fibre Channel Drive Ultrium 4 Data Cartridge (5-pack) Attached to IBM AIX System 2.8m Power Cord 250V France/Germany Rack to PDU Line Cord	1
2498-B24	IBM System Storage Switch SAN24B-4 Express 4 Gbps SW SFP Transceiver 8-Pack 2 x Fibre Cable LC/LC 5m multimode	1

GC DR LOKACIJA – BANJA LUKA

Oprema sljedeće konfiguracije:

Model	Opis	Kol
8203-E4A	IBM Power 520, Model: 8203 - E4A AIX Partition Specify Op Panel Cable for Rack-mount Drawer w/3.5 DASD POWER GXT135P Graphics Accelerator with Digital Support IBM T117 Flat Panel Monitor 2 x 146 GB 15K RPM SAS Disk Drive 4096MB (2x2048MB) RDIMMs, 667 MHz, 1Gb DRAM Rack Indicator- Not Factory Integrated Dual-port 1Gb Integrated Ethernet Daughter Card 2-core 4.2 GHz POWER6 Processor Card, 4 Memory DIMM Slots One Processor Activation for Processor Feature #5634 Zero-priced Processor Activation for #5634 IBM 2-Port 10/100/1000 Base-TX Eth PCI-X Adapter SATA Slimline DVD-RAM Drive 2 x 4 Gigabit PCI Express Single Port Fibre Channel Adapter 4 Gigabit PCI Express Dual Port Fibre Channel Full Width Quiet Touch Keyboard – USB IBM/OEM Rack-Mount Drawer Rail Kit IBM Rack-mount Drawer Bezel and Hardware 2 x Power Supply, 950 Watt AC, Hot-swap, Base and Redundant 2 x PowerVM Express DASD/Media Backplane for 3.5 DASD/SATA DVD/Tape Mouse - Business Black with Keyboard Attachment Cable Language Group Specify - US English	1
1814-70A	DS4700 Express Model 70 (2 GB Cache) (26K7941) SW 4Gbps SFP transcvr pair 7 x (40K6820) 4 Gbps FC, 146.8 GB/15K E-DDM 2 x (39M5697) Fiber Cable 5m Multimode (LC-LC) (41Y5184) DS4700 AIX/VIOS Host Kit DS4700 Mod 70 2-Storage Partitions Activation	1
3573-L4U	TS3200 Tape Library Express Path Failover 2 x 13m LC/LC Fibre Channel Cable 2 x Ultrium 4 Fibre Channel Drive	1

4. OPERATIVNI SOFTVER

4.1 Operativni softver se sastoji od sljedećeg:

- Licence za AIX operativni sistem
- Licence za komunikacioni softver

5. PRISTUPNE TAČKE

Broj pristupnih tački je 25.

6. MJESTO DISTRIBUCIJE OSNOVNIH VERZIJA SOFTVERA I NADOGRAĐNJI

Osnovne verzije softvera i nadogradnje će biti isporučivane na sljedeću adresu:

Maršala Tita 25
71000 Sarajevo
Bosna i Hercegovina

7. LOKACIJE

Adrese objekata CBBH gdje je Sistem instaliran su:

Glavna lokacija: Mehmeda Spahe 3, Sarajevo
DR lokacija: Vidovdanska 19, Banja Luka
GC brenčevi: Sarajevo, Banja Luka, Mostar

8. DANI ODRŽAVANJA

"Dani održavanja" su definisani kao svi dani u sedmici osim subote, nedelje i zvaničnih praznika u Bosni i Hercegovini.

9. VRIJEME ODRŽAVANJA

Standardno vrijeme održavanja je period od 8:00 am do 5:00 pm po vremenu u Bosni i Hercegovini svaki dan koji je definisan kao "Dan održavanja".

**IZJAVA O PRIMJENI PREFERENCIJALNOG TRETMANA DOMAĆEG
POPUNITI ODGOVARAJUĆE**

<p>Izjavljujemo da je naše preduzeće domaće sa sjedištem u BiH i najmanje 50 % radne snage za izvršenje ovih usluga su rezidentni iz Bosne i Hercegovine.</p> <p>Napomena: Popunjavaju domaći ponuđači ili grupa domaćih ponuđača (ako ispunjavaju uslove za primjenu)</p>	<p>Potpis ovlašćene osobe ponuđača</p> <p>_____</p> <p align="center">M.P.</p>
<p>Izjavljujemo da je član grupe ponuđača _____ (navesti naziv člana grupe ponuđača) domaće sa sjedištem u BiH i najmanje 50 % radne snage za izvršenje ovih usluga su rezidentni iz Bosne i Hercegovine.</p> <p>Napomena: Popunjavaju grupa ponuđača čiji su članovi iz CEFTE i najmanje jedan član iz BiH (ako ispunjavaju uslove za primjenu)</p>	<p>Potpis ovlašćene osobe ponuđača</p> <p>_____</p> <p align="center">M.P.</p>
<p>Izjavljujemo da je naše preduzeće sa sjedištem u državi potpisni CEFTE i koja su registrovana u skladu sa zakonima u državama potpisnicama CEFTE i da najmanje 50% radne snage za izvršenje ovih usluga su rezidentni iz država potpisnica CEFTE.</p> <p>Napomena: Popunjavaju ponuđači iz država potpisnica CEFTE (ako ispunjavaju uslove da se na njih ne primjenjuje preferencijalni faktor)</p>	<p>Potpis ovlašćene osobe ponuđača</p> <p>_____</p> <p align="center">M.P.</p>

Napomena: Ovu izjavu dostavlja ponuditelj samo ukoliko ispunjava neke od navedenih uvjeta za primjenu preferencijalnog tretmana.